

E ora ei **Dios Tata** a bisa: “Laga **Nos (Tata, Esun Ungi i Spiritu Santu)** traha hende segun **Nos Imágen**, konforme **Nos Semehansa** [no físikamente, pero ku un **personalidat spiritual** i un **moralidat** manera **Nos**].

**Dios Tata** kièr pa **Nos Imágen** ta **spiritualmente i moralmente** manera di **Tata, Esun Ungi i Spiritu Santu**.

**Dios Tata** kièr pa **Nos Semehansa** ta **spiritualmente i moralmente** manera di **Tata, Esun Ungi i Spiritu Santu**.

**Dios Tata** ta stima **Fiesta** i ta pa esei **El** a stipulá yen **fiestanan** pa **Nos** por tin **Alegria, Goso i Bendishonnan** den **Fiesta**.

Si **Dios Tata** ta stima **Fiesta** ta nifiká ku ami i abo tambe mester ta stima **Fiesta**, sigur si **Nos** ta traha segun **Su Imágen i Semehansa**.

Tin **7 Bendishonnan** den **Fiestanan**, ku **Dios Tata** a skirbi di dje den **Éksodo 23:20-30**.

1. **Dios Tata** lo bai manda un Angel bo dilanti pa warda-bo i pa yuda-bo.
2. **Dios Tata** lo ta un enemigu pa bo enemigunan i un atversario pa bo atversarionan.
3. **Dios Tata** lo sòru pa boso tin pan i awa na abundansia.
4. **Dios Tata** lo kita enfermedat for di meimei di boso.
5. **Dios Tata** lo kompletá e kantidat di bo dianan riba mundu.
6. **Dios Tata** lo oumentá abo sufisientemente pa poderá di e tera.
7. **Dios Tata** lo debolbé abo tur loke e diabel a hòrta for di abo.

Awor kua ta e **Fiestanan**? Tin diferente **Fiestanan** skirbi den **Torah** ku **Kristu Hesus, Esun Ungi** apsolutamente a selebrá. Tin **8 Fiesta** skirbi den **Levitiko 23**, ku **Kristu** a selebrá.

E promé **Fiesta** menshoná den **Levitiko 23** ta **Shabat**. Despues ta sigui e **shete otro Fiestanan Altu**, tambe nan sa wòrdu yama **Shabat Altu**. E **shete otro Fiestanan Altu** ta; **Fiesta di Pésag, Fiesta di Pan sin Zürdeg, Fiesta di e Promé produkto di Kosecha, Fiesta di Shete Siman, Fiesta di tròmpet, Dia di Reparashon i Fiesta di Tabernakel**. E **shete Fiestanan Altu** aki ta wòrdu selebrá un biaha pa aña, pero **Shabat** ta un **Fiesta semanal**; di tur siman. Tur djabièrnè ora solo baha te djasabra ora solo baha ta un **Fiesta Altu, Shabat** pa **Señor, Dios Tata**.

Pa ami ta un **privilegio** pa selebrá **Shabat**. Ami a **disidí** di selebrá **Shabat**, dor ku **Shabat** ta un **regalu**, duna na ami dor di **Dios Tata**. Un **regalu** ta algu ku abo i ami por tuma òf rechasá. Ta keda na abo su **desishon** kiko abo ta hasi ku e **regalu**. Ami ta **gosa** na tur okashon, ku mi por, di e **regalu** aki. Tin un **otro dimenshon** ta bini aserka, un otro pas, un saber **mas intenso**, un **kos ineksplikabel**, pero sierto di **Dios Tata** kada bes di nobo ora ami selebrá **Shabat**; pasobra **Kristu** ta **Señor** di **Shabat (Mateo 12:8)**.

Tin hopi **Fiestanan** den mundu i tur hende ta liber pa skohe kua **Fiestanan** nan ta selebrá. Un kos ami por bisa abo, **Esun Ungi** a bini na mundu pa trese e **Bon Notisia**, ku ta e **Evangelio di liberashon i sanashon**, pero tambe e **Bon Notisia** di **Fiestanan i Bendishonnan** di **Dios Tata**, kual **Dios Tata** ta tin pa nos, **Su yunan**, promé ku e mundu aki a bini na vigor. A traha **Shabat** pa hende, i no hende pa **Shabat (Marko 2:27)**.

14 Oktober 2016,  
Sea Bendishoná den e Amor di Yeshua Mesias  
Rev. Remsly L Riley